

গ জা রু

কাজী জহিরুল ইসলাম

যেখানে যা গজায় গজাতে দাও, গজাক
যতো বড় হতে চায় হতে দাও নিদ্বিধায় নিবাধায়
গজাতে গজাতে ওরা গজারু হয়ে যাক
সজারুর পিঠে চড়ে গজারুর বনে প্রমোদ বিহারে যাক
উড়িয়া ও বাংলায় যাক
ভূ-ভারত ছিড়ে, খুঁড়ে খাক পেস্তাআলুর ঝোল শিংমাছ দিয়ে

ফুটপাতে গজায় রোজ, গজাতে দাও, গজাক
থানা কমপ্লেক্সে গজায়, গজাতে দাও, গজাক
মিন্টো রোড, গণি রোডে গজায়, গজাক
সংসদে, গঞ্জের হাটে, টি-স্টলের তুফানে
গরু-ছাগলের পুন্ডে পুন্ডে গজাক কোরবানীর হাটে
রাজবাড়িতেও গজাক কিছু রাজগজারু ওরফে রাজারু
উহাদের মাতৃ-পিতৃকোড় ক্যান্সারুর ন্যায় নিরাপদ থলিযুক্ত
চুষে চুষে খাক থলির চর্বি
আহা কী মজারু

সারা দেশে বেসুয়ার গজারু
গজারুর বনে ঢেকে যায় সারা দেশ
আহা বেশ, খাঁটি অক্সিজেনে শ্বাস নিতে পারুম হাপানির দিনে
খাঁটি ও বিশুদ্ধ হওয়ায় এই বিশেষ অক্সিজেনের নাম ডেমোক্রিজেন।

২.

আমাদের বগলের নিচে গজিয়েছে কিছু গজারু
আমাদের ওইটার নিচে গজিয়েছে কিছু গজারু
খুতনিতে, ঠোঁটের ওপরের গজারুদের ট্রিম করত: পুষিতেছি
সৌদি স্টাইল....

একদিন চেতে গেলে বলাকা ব্রেডে সেরে ফেলবো।

আবিদজান

২৪/০২/০৬